

Ann. XVI.

ROMAE, Mense Martio MCMXIII

Num. III.

# VOX VRBIS



DE LITTERIS ET BONIS ARTIBUS COMMENTARIUS

**Semel in mense prodit**

CONDIDIT ARISTIDES LEONORI EQUES

POSSIDET ATQUE ADMINISTRAT SOCIETAS EDITRIX ROMANA

**Pretium annuae subnotationis, est :**

In Italia: Libellarum **6**

ubique extra Italiam: Lib. **9** (Doll. **1,80**; Sch. **7**; M. **7**; Rubl. **4**; Coron. **9**)

ANTE SOLVENDUM ET RECTO TRAMITE MITTENDUM

**AD SOCIETATEM EDITRICEM ROMANAM**

**ROMA — Via delle Coppelle, 35 — ROMA**

**SUBNOTATIO EXTRA ITALIAM FIERI POTEST:**

**IN RUSSIA**

apud  
**Gebethner et Wolf**

—  
Varsaviae Polonorum  
Rakewskie Przedmiescie, 15

apud

**„Kronika Rodzinna..”**

—  
Varsaviae Polonorum  
Krakowskie Przedmiescie, 6.

**IN ANGLIA**

apud

**Burns and Oates**

—  
London W.  
28, Orchard Street.

**IN CANADA**

apud

**Libraire Granger Frères**

—  
Montreal  
1699, Rue Notre-Dame

APUD  
**SOCIETATEM EDITRICEM ROMANAM**

**ROMA - Via delle Coppelle, 35 - ROMA**

**ex Commentario VOX URBIS veneunt, quae sequuntur:**

**ARRAE GORGONIAE**

**===== MILESIA FABULA =====**

**JOACHIM ANTONELLI COSTAGGINI**

**VEN. LIBELL. 0.60**

**EUPLIUS**

**SATURIO**

**ACTIO DRAMATICA =**

**COMOEDIA =====**

**===== JOANNIS**

**===== JOANNIS**

**B. FRANCESIA =**

**B. FRANCESIA =**

**LATINIS VERSIBUS CONSCRIPTA**

**VERSIBUS SENARIIS CONSCRIPTA**

**ET IN TRES ACTUS DISTRIBUTA**

**ET IN TRES ACTUS DISTRIBUTA**

**= EDITIO ALTERA =**

**= EDITIO ALTERA =**

**VEN. LIBELL. 1.00**

**VEN. LIBELL. 1.00**

**QUAELIBET OPERA EDENDA SUSCIPIUNTUR**

# VOX URBIS

DE LITTERIS ET BONIS ARTIBUS COMMENTARIUS

PIO X PONT. MAX.

IN EIUS FESTUM NOMINALE S. IOSEPH A. MDCCCCXIII



Recentissima PII PP. X imago.  
(Photograph ce espressit I. FELICI eques - Romae).



# VOX URBIS

## DE LITTERIS ET BONIS ARTIBUS COMMENTARIUS

Usum latini sermonis per orbem universum tuetur ac fovet

*Itaque, latine omnino exarata, scripta edit, quae populos omnes aliquo modo attingant, a publica re ad bonas artes, a litteris ad historias, a philosophicis ad sociales quaestiones, a nunciis et significationibus ad simplices et facili stylo expressas descriptiones, narratiunculas, dramaticas actiones; ab antiquitatis scientia ad dialogos vitae argumenta maxime communia tractantes, unde colloquia latine inire atque alere debet; a doctorum virorum scriptis nondum vulgatis aut parum cognitis ad primas adolescentum exercitationes, quae incitamentum veluti in palaestra eorum conatibus conferant; a Pontificiis denique documentis praeceptis ad iuris regulas in S. Congregationibus inductas; haec omnia ut quisque vel ex dissitis regionibus, aut cultu, doctrina, animi proclivitate, artibus alter ab altero difformis per commentarium eundem explere desideria sua possit.*

PRETIUM ANNUAE SUBNOTATIONIS EST:

**In Italia libellarum 6;**

**ubique extra Italiam lib. 9 (Doll. 1,80; Sch. 7; M. 7; Rubl. 4; Coron. 9)**

**ante solvendum et recto tramite mittendum ad Societatem Editricem Romanam**

**ROMA — VIA DELLE COPPELLE, 35 — ROMA**

**QUAE COMMENTARIUM POSSIDET NUNC ATQUE ADMINISTRAT.**

### PRAEMIA SOCIIS CONSTITUTA IN ANNUM MCMXIII

**Pro Sociis** singulis, quorum sive carmine sive soluta oratione scripta in *Vox Urbis* per an. MCMXIII edita fuerint et a doctorum virorum collegio ad id constituto maxime commendata, *praemium erit argentei numismatis* ex iis, quae Pontificis Maximi iussu quotannis in festo Apostolorum Principis cudi solent, Sacro Purpuratorum Senatui, Romanae Curiae aulicisque pontificiis distribuenda.

**Pro Sociis** qui *libellas octo* pretio subnotationis addiderint, delectus erit unius ex tabulis aere mirifice eusis, magnitudine cm. 118 × 84, gesta Costantini M. Imperatoris referentibus prouti in Vaticanis aedibus Raphaël Sanctius eiusque discipuli penicillo expresserunt. Tabulae reddunt: *Pugnam inter Constantinum et Marcenum; Visum Crucis; Constantini Baptismum; Constantini donationem Pontifici factam.* — Si quis omnes cupiat, mittat lib. 32.

**Pro Sociis**, iisque Sacerdotibus, qui *lib. quadraginta quattuor* miserint, *Vox Urbis* gratuito conceditur; ii enim *Notum Breviarium Romanum* habebunt, iuxta nuperas dispositiones reformatum, charta vere Indica in 16° (15 × 9) ab editrice Pont. domo Desclée et Soc. impressum, splendide ac solide ex pelle vulgo *zigrino* conglutinatum, foliorum sectione eleganter aurata; quod sane venale prostat lib. 44. — Quin imo simul cum Breviario gratuito etiam a praecaudata editrice domo « *Proprium Diocesis* » cuiusque religabitur, si socius ipse miserit, aut emi iusserit, praemisso, uti par est, « *Proprii* » eiusdem pretio.



## QUANAM DE CAUSA IUVENES in litteris ediscendis languescant

Quaerenti mihi saepe numero cur magis magisque in dies lenti iuvenes in litteras incumbant, nulla quasi pulchri specie excitentur, nihil ardore percipiant, quin immo mollitie atque imbecillitate quadam torpescant, quod gravissimum est ac sane periculi plenum, id primum occurrit, nimis apud nos optimarum artium studia negligi, nulla ope niti ut earum cultus augeatur, quin etiam illud in animo haberi ut litterarum gravitas ac vis, quae tam acuunt ingenium, fere sit contemptui utilitasque parvi aestimetur. Quod quantum iuvenibus instituendis damno sit, nemo est quin videat.

Attamen, si iste litterarum contemptus ac negligentia unicuique nostri quam maxime displicet, si languescantia in dies studia triste praebent spectaculum, istam gentem — pro pudor! — gravis haec quaestio non tangit, tamquam si pro certo habeat nullum vel parvam decus ex litteris proficisci, nihil eis patriae omnino opus esse, unam veramque gloriam in armis inque finibus proferendis consistere!...

Qui loquor, id expertus affirmo: cotidie enim video, utpote cum meum sit litteras graecas latinasque discipulis tradere, mecumque ipse queror, pertaesos iuvenes ad doctrinae studia se applicare, nullo animi motu scriptores veteres et praecipuos prae manibus volvere, vix ac fere per stimulos, ne dicam obiurgationes, veteris cultus et antiquorum institutorum aliquantulum intelligere. Neque obiciatur per nosmet ipsos stare ut parum in litteris iuvenes proficiant, quum mercedis in angustis ac tot difficultatibus districti, parum attento nostro munere fungamur...

Quid hoc falsius maligniusve sit, nescio. Nos enim, prae ceteris omnibus qui officia atque munera exercentes, rei publicae inserviunt, intus alimus flammam, neque patiemur minime exstingui, quippe qui nostri muneris praestantiae ac dignitatis quam maxime conciliamus.

\*\*

At redeo ad propositum. Dixi nuper nostris in scholis humanitatis studia a iuvenibus negligi, nec me fefellit. Haeret enim, eorum animis infixi, vetus ac praeiudicata opinio, nihil ad vitae usus conferre, nihil mentis exercitationem iuvare, nihil emolumenti atque fructus antiquitatis studia afferre posse. Hinc torpor ille et quasi rigida segnitie in eis ediscendis, hinc — inveni in hoc argumento aliquantulum morari — illa satietas quae nostros iuvenes cotidie capit, tamquam si fastidendus quidam odor vel perniciosus omnino halitus ex veterum optimorumque scriptorum lectione effluat. Quo enim abili priscus ac flammeus ille ardor, quo nostri maiores in haec studia incumbabant? Nonne

nostros avos videmus in versibus latinis recitandis inflammari? tot carmina tenaciter memoria custodire? Horatium prae ceteris extollere, Tacitianam vim in historia conscribenda magnis laudibus efferre? Quid vero maiorum ferventi studio nostra potest iuventus obicere? Eandemne animi inflammationem? eandemne reverentiam? cultum? religionem? Minime, ut mea fert sententia. Nam idem tenet discipulos fastidium in litteris ediscendis ac in quadam tabula picta contemplanda. Ut enim haec, etsi pulchre expressa, eorum animos non allicit, non pectora movet, non pulchritudinis excitat amorem, quum illi tantum adament quod luxuriose, prodigialiter et fucatis, si id dici potest, pigmentis depictum sit ideoque oculos delectet ac sensibus blandiatur, sic optimorum scriptorum concinnitas, dulcedo, pulchritudo sane admirabilis non eos tangit; quin immo, ut nescio quid molestum, offendit. Dixeris morosiores istos offendi eodem pacto quo Ramnes, de quibus loquitur Horatius:

*Celsi praetereunt austera poemata Ramnes.  
(Art. poet.)*

Quid vero censent de illis qui totam aetatem in litteris edocendis agunt quique meritissimo sane munere funguntur? Librorum helluones appellant et eos qui tantum in litteris elaborantes, non bene utantur tempore, sed in ludicris atque nugis insumant, ut genus hominum a communi remotissimum, quod priscae aetati eiusque cultui ac linguae adhaerens et toto pectore subnixum, circum se vitae fremantis stimulos invitamenta quae minime sentiat....

\*\*

Neque id satis est: addunt enim huius generis disciplinam gravem sibi esse, quod velut intolerabile onus ac magnum quoddam impedimentum umeros opprimat fatigetque, et moleste obstat, ne quisque suas ingenii vires libere et, ut ita dicam, natura duce, evolvat. Quid ad rem si optimi Graecitatis ac Latinitatis auctores, optima quaeque tractantes, monumenta aere perenniora exegerint? Non illis egregia opera videntur, nihilque in se habere quod diligentiam exposcat; sed potius nugatorium quoddam ac leve, in quo tantum doctorum larvae, umbratilem fere vitam agentium, morari possint... Quid si insignis Homerus, egregia virorum facinora celebrando, optimum poematis epici exemplar tradiderit, quod et antiquitus merito laudibus exornatum est, nunc et ab iudicibus sane doctis adamatur putaturque studio dignissimum? Quid si Tyrtaeus in *Martia bella mares animos versibus exacuendo*, elegis et anapaestis virtutis hortamenta conscripserit, adeo ut sui milites, acriter in hostem pugnantes, laeti abirent victoria? Quid si Aeschylus docuerit *magnumque loqui nitique cothurno*? si Plato, divinus, sapientissimus, sanctissimus, Homerus philo-

*Festa lux, verno t' pefacta sole,  
ecce Iosephi re-iii, monelque  
me, vel incomplos, Dectmo Piorum  
edere versus.*

*Editos tu nunc, age, Vaticanam  
defer ad Sedem, mea musa; valvas  
pandet aeratas vigil hastiferque <sup>(1)</sup>  
iavitor ultro.*

*Principis sacri bicolore Signum  
candet et flaret foribus sub ipsis;  
tu salutabis, pia vota fundens,  
nobile Velum.*

*Hinc adi scalas, Damasique vastam  
obsc, quae magnis nitet a fenestris,  
aream, pulchris hodie refertam  
undique bigis.*

*Purpuratorum globus inde Patrum  
exit et fertur <sup>(2)</sup> superas ad aulas,  
adprimiturus Fidei Magistro  
prospera quacque.*

*Hos et affines, mea musa, ne tu  
Proatules, cantrix petulans, sequare;  
te fenestratâ decet in plateâ  
sistere gressus.*

*Haec tuis cado comes, arte cultis  
musicâ, quorum litui tubaeque  
hanc diem gaudent celebrare faustam  
aere canoro.*

*Miscant vox ae tua buccinarum  
vocibus. Dices: «Tibi gratulatum,  
Pontifex, oeni, minimi pusilla  
nuncia vatis.*

*«Laela Iosephi Tibi lux in aevum  
rideat longum! Procul omnis absit  
morbus et languor; vîa nec dolori  
suppetat ulla!*

*«Fletus arescat tuus ob sororem  
nuper ereptam! loca deserendo  
plena dîmorum, ROSA nunc beatis  
flore in Hortis.*

*«Pax cruentatis redeat serena  
Bosphori campis! Oriensque Romam,  
unde discessit, positâ rebelli  
mente, revertat!*

*«Gallus, et Gallum male Lusitanus  
aemulans, tandem sapiant utrique!  
Discat Urbs, discant Itali sacrata  
iura vereri!*

*«Ac tuae Romae, Petrus unde terris  
imperat cunctis, homo ne praeesse  
pergat Hebraeus! Crucis ille Christi  
sentiat ictus!»*

*Haec ubi iussu, mea musa, nostro  
dixeris, Patrem rogabis, ut te  
meque, deducto Crucis in figuram  
indice, signet;*

*signet et du tam r sonare late  
URBICAM VOCEM, pia quam latini  
cura sermonis premil, et Petrinae  
gloria Sedis.*

FRANC. X. REUSS.

(1) Vox hastifer usurpatur in Inscriptione romana anni a Chr. a. CXXXVII.

(2) Kempe per machinam scaenariam.

## Rerum index:

Pio X Pont. Max. in eius lectum nominale S. Ioseph.  
Quoniam de causa iuvenes in litteris ediscendis languescant.  
De Syllabi PII PP. X<sup>a</sup> propositione XXI.  
De Leone XIII P. M. commentarius. Carpineti moratur. — Carmina  
varia.  
De quibusdam ex Constantiniana aetate in humanitatem ef-  
fectibus.  
Gratiae iuventutis memorizo...  
Colloquia latina. Domus.

Ex Sacris Congregationibus Romanis sententiae novissimae  
seleccio. Ex Congregatione Rituum.  
Diarium Vaticanum. Coram SSmo. admissiones. — Pontificiae electiones.  
— Vita funeti viri clariores.  
Annales. Balkanicum discrimen. — Mexicanum civile bellum. — In Ma-  
ritania.  
Publici per orbem coetus legibus ferendis.  
Per orbem.  
Aenigmata.  
Appendix: Ad Romam.



eorum similia quae quondam praeco horatianus tunicato popello venditabat, depellendi?

Constitutum fuit, exempli gratia, usque ad annum superiorem, una cum optimis scriptoribus graecis vendendis atque litterarum monumentis ediscendis, ut discipulis breviter doctores explicarent quae graecorum institutorum quasi speciem adumbrare possent, quaeque ad vitam graiae gentis illustrandam, illius scilicet gentis quae monumenta mirae pulchritudinis edidit, graviores artes invenit, omnia denique promovit ex quibus hic noster cultus atque humanitas initium ducit, aliquid conferrent. Ex quo studio quantum delectationis utilitatisque proficiscatur, nemo est qui neget. Vel intra angustos fines inclusa, haec disciplina — vulgo *cultura graeca* — magno est adiumento ac suos fructus edit. Quid vero paulo post fit? E scholis eicitur... Quod quantum nobis iuvenibusque ipsis displicuerit, inutile est dicta.

Cum ita se res habeant, quum in hoc velut iussorum conflictu agamur, ecquis in litteris progressus sperari potest? Poteritne schola, ea quae speramus, dare? alioquin iuvenes ad litteras colendas summoque amore prosequendas, si ipsi primi vident cotidie non certis ac firmis legibus gubernari eas, haud multum illarum studium summis moderatoribus cordi esse, non quid sit eis propositum statui?

Oportet opportunis iussis litterisque passim missis ut iuvenes admoneantur suum esse quam maxime ad doctam antiquitatem se convertere, suum esse in illis doctrinae studiis exerceri, ex quibus tam splendida lux emanat, suum esse exemplaria graeca et latina versare, ut digni sint maiorum virtutibus externisque gentibus ostendant nunquam apud nos antiquitatis cultum extinctum esse, nunquam fore ut extinguatur. Hac ratione tantum iuvenes emendati rectam viam ingredi poterunt; his consiliis freti digni fient qui perfectissimum quidquam animo et cogitatione concipientes, ad effectum perducant.

Scrībham Beneventi, post. Id. Febr. a. MCMXIII.

M. GALDI.

## DE SYLLABI PII PAPAE X propositione XXI

Saeculo XIII Almaricus Benensis († 1204) fuit, qui tum Legem veterem tum Legem Novam imperfectas esse affirmabat. Professor Döllinger quoque, novam Spiritus Sancti effusionem futuram esse asseruit. Quidam denique inter « Protestantes » sentiebant, Ecclesiam Petrinam, idest catholicam, ecclesiamque Paulinam, idest « Protestantiam » imperfectas esse, progressuque temporis Novam Spiritus Sancti vel S. Ioannis Ecclesiam orituram esse. (1)

(1) Cf. MILLER Theol. Mor. L. 1, 55, 45.

Novissime Modernistae, doctrinae « evolutionismi » faventes, circa Revelationis depositum, denegant ab initio nec in germine exstitisse dogmaticas affirmationes, quas temporum progressu Ecclesiae magisterium determinatis expressit formulis. Ab initio — inquit, (1) forma religionis quaedam, absque determinata forma et absque dogmate (*amorfa adommativa*) invaluit, quae in formam quamdam concretam postea lente evoluta est. Causae huiusmodi evolutionis diversae sunt; idest, vel necessitas communicandi collective, vel necessitas manifestandi fidelibus sub forma abstracta principia quibus activitas religiosa eorundem dirigi oportuit, vel labor scriptorum christianorum, vel controversiae cum haereticis. Ideoque in Modernistarum sententia, divina revelatio, neque ab initio neque modo completa foret. Contra huiusmodi errorem sunt:

a) Damnatio Ecclesiae. — Est auctoritas Conc. Vaticani (Sess. IV c. 4 de Rom. Pontif. infall. Magisterio Denz. 1629): « Neque Petri successoribus Spiritus Sanctus promissus est, ut eo revelante novam doctrinam patefacerent, sed ut, eo assistente, traditam per Apostolos revelationem seu fidei depositum sancte custodirent et fideliter exponerent ». Est propositio Syllabi PII P.P. X (21.): « Revelatio obiectum fidei catholicae constituens non fuit cum Apostolis completa ».

b) Auctoritas Scripturae. — Sint huiusmodi textus. Apud Matth. (XXVIII, 20) Christus loquitur Apostolis dicens eis: « Docentes eos servare omnia, quaecumque mandavi vobis ». — Ioa. (XVI, 13): « Ille Spiritus veritatis, docebit vos omnes veritatem »; et postea (c. XVII, 20) Christus ait: « ... Rogo... et pro eis, qui credituri sunt per verbum eorum (Apostolorum) in me ». — Gal. (I, 9): « Si quis vobis evangelizaverit praeter id quod accepistis, anathema sit ». Depositum revelationis igitur iam fixum et permanens in sua essentia apparet.

c) Motiva theologica. — Status mundi, — inquit Angelicus (2), — variari potest secundum diversitatem legis; sic huius statui novae legis nullus alius status succedet. Successit enim status novae legis statui veteris legis, tamquam perfectior imperfectiori. Nullus autem status praesentis vitae potest esse perfectior quam status novae legis; nihil enim potest esse propinquius fini ultimo quam quod immediate in finem ultimum introducit; hoc autem facit lex nova; unde Apostolus dicit, (ad Hebr. X, 19): Habentes itaque fratres, fiduciam in introitu sanctorum in sanguine Christi, quam initiavit nobis viam novam, accedamus. Unde non potest esse aliquis perfectior status praesentis vitae, quam status novae legis: quia tanto est unumquodque perfectius quanto est ultimo fini propinquius ».

Contra vero somniantes novam Spiritus Sancti effusionem Angelicus animadvertit: (3) « Non est expectandum quod sit aliquis status futurus, in quo perfectius gratia Spiritus Sancti habeatur, quam hactenus habita

(1) Il Programma dei Modernisti, p. 79.

(2) 1<sup>a</sup> 106. a. 4.

(3) Ibidem.



sophorum, ut aiebat Panaetius, in maximis de philosophia quaestionibus inextincta vestigia impresserit, adeoque in eis tractandis fuerit diligens ut *amplius quod desideres* nihil futurum sit? Quid si Cicero virtutem Demosthenis in foro aemulando, tot vires ac nervos suis orationibus inseruerit, tanta eas suavitate dicendi atque elegantia exornaverit, ut merito summus evaserit orator, hodieque nos non sine fremitu atque animi commotione eius scripta legamus? Si Vergilius, Horatius, ut hosce poëtas prae ceteris afferam, litterarum latinarum decus ultra fines patriae portenderint latinumque sermonem ditaverint? Nihil aliud quam ineptiae, nugae et hominum imperitorum rumusculi!...

Sic, incredibili quadam levitate, vetustum aedificium, cui construendo tot illustrium hominum mentes atque ingenia subvenerunt, diruitur; sic nullo, prope dixerim, conscientiae cruciatu, praecipua scriptorum antiquorum opera in contemptionem adducuntur!

..

Atqui quam uberes fructus ex antiquitatis studio proveniunt! O utinam esset mihi calor et vis Mureti ad hoc plene et luculenter significandum!

Nam clarissimus Galliae Aquitaniae scriptor, in duabus illis orationibus quas habuit Venetis: «*De laudibus litterarum*» et «*De utilitate ac praestantia litterarum humaniorum adversus quosdam earum vituperatores*» ut par erat ostendit, in magno virorum consensu, quanam in litteris inesset dignitas, quid emolumenti ex eis ediscendis perciperetur, quantum denique se fallerent qui, litterarum tractationem leve quiddam ac nugatorium existimantes, in id studiorum genus acerbe inveherentur. Eae enim orationes dignae sunt quae vel hodie in nostris scholis legantur ac fere mandentur memoriae: multa quidem ac certissima testimonia invenies, si quid tibi otiterit, cur vel poëtarum fabulae non levia quaedam et frugis expertia otiosorum hominum commenta sint, sed omnis doctrina elegans, omnis ingenio homine digna cognitio, omnis denique sapientia sub illis velut involucris atque integumentis contineatur! «Non igitur — sinite ut unam hanc integram sententiam saltem afferam — quum poëtarum libros interpretamur, inanibus fabellis, nutricum more, animos ducimus; sed sementem quamdam virtutis atque doctrinae facimus; non in levibus minimeque frugiferis rebus operam sumimus; sed praecepta sapientiae, quo facilius in animos influant, insatiabili quadam admirabilem rerum varietate condimus». Audiant iuvenes ista perquam fide digna clarissimi scriptoris verba, huc auctoritati pareant praeceptaque diu animo teneant infixæ.

Neque valet illis testibus uti qui iam inde a saeculis XVII et XVIII optimarum disciplinarum studium utilitatemque contemnere ac fere omnino negare ausi sunt.

Dicat Pascalius antiquos nos esse prae illis qui hoc nomine appellantur, quippe qui humanum genus iam aetate provectum constituentes, doctrina atque usu longe eis superiores evadamus, idcirco nobis palmam deferri oportere.

Dicat et Cartesius minime se posse intelligere cur boni viri esse debeat in latinas graecasque litteras potius quam in sermonem helveticum vel anglum ediscendum incumbere! Eorum sententias — neque sine aliqua reverentia adversus praestantissimos philosophos hoc sit dictum — facile tempus vel potius vivax illa virtus quae inde e litteris ipsis manat, redarguit refellitque.

At quid altius auctoritatem et exempla repetam? quid vetus afferam testimonium, quum vel apud nos non desint qui, litteris imbuti earumque vim, efficaciam, splendorem, decus, utilitatem, ut certam stabilemque sententiam sane confirmantes, in obrectatores vehementer cooriantur ac summa ope studeant ut merita laus illis tribuatur? Quid dicam de libris, de commentariis, de omnibus denique scriptis quae in id unum intendunt? At, prae ceteris, in medium afferatur FRASCABOLII auctoritas qui, vir summo ingenio ac summa exquisitaque doctrina, quam cognitione in penitiores litteras graecas inquisiverit et quantum de illis bene sit meritis, inter omnes doctos constat. Is enim, superiore anno, in commentario qui inscribitur «*Atene e Roma*», (1) his fere verbis utebatur (aggredior eius prosam doctam, elegantem, plerumque subtilissimis argutiis inspersam in latinum convertere; at quam longe ab ipsis scriptoris verbis disto!): «In litteris graecis et latinis nostra institutio tamquam in solidis fundamentis nitatur; rei publicae servitutem minori esse abiectioni quam mentis atque ingenii; quam alteram servitutem si cupiamus exuere, nullum aliud remedium dari posse nisi ut e doctae splendidaeque antiquitatis fonte copiose hauriamus...».

..

Verum, si quid huius languoris mollitiaeque in litteris excolendis, quae non sine querimonia nuper dixi, ipsi discipulorum ingenio tribuendum est qui, plures ob causas a studiis distracti, parum libenter in id intendunt quod ad libros pervolvendos atque mentem, velut in palaestra, exercendam cogat, equis dubitare poterit quin penitus radices malum immiserit eiusque origo altius repetenda sit? Nonne enim in annos doctae antiquitatis studium imminui ac refringi videmus? Nonne modo hic, modo illic aliquid eius dignitatis atque incrementi detrahitur? nonne palam fit, in omnibus iussis quae in singulos fere dies alia alia subequantur ac prope inter se pugnant, obstinatior voluntas omnem priscum thesaurum, omnem antiquam disciplinam paene e nostris scholis, ut quaedam villa scruta,

(1) An. XV, n. 165-166, Florentiae.

E contra noster, caelestibus rebus reffectus, adsurgens  
cant:

*Aeternis inhians nil peritura moror!*

Hic libenter ponam iisdemque laudibus meritisque  
dignum et illud carmen quod multo post exaravit.

Anno enim saeculi elapsi MDCCCLXIV aquam salu-  
berrimi haustus Carpinetum adducendam curavit, et  
sic festivis versibus loquentem fontem introducit:

*Leniter exiliens Pandulphi e colle superna  
huc e natis deferor unda iugis.*

*Nam qui romani loachimus Peccius ostri  
primus natale hoc auxit honore solum,  
per caecos terrae, plumbo ducente, meatus,  
oblitam patriae me iubet ire viam.*

*Improvisa quidem, sed gratior advena vobis  
uliro, municipes, candida, inempta fluo.*

*Hic ergo properate: adsum nam sacra saluti,  
munditiae, vitaeque usibus et charisin.*

Nihil autem dulcius et verius carmine quod de se  
ipso composuit an. MDCCCLXXV. Est vitae suae omnis  
premiis atque elegantissimum compendium.

Et hoc animi causa integrum referam, opportunis  
notis illustratum:

*Quam flore in primo felix, quam laeta Lypinis  
orta iugis, patrio sub lare, vita fuit! (1)*

*Altit is puerum Vetulonia suscipit ulnis,  
atque in Loyolea excolit aede pium. (2)*

*Natis dein Romae tenere palatia: doctis  
florem studiis Academia tenet. (3)*

*Tempore quo, meminisse iuvat, praedivite vena  
Manera et Patrum nobilis illa cohors  
mentem alit, et puro latices de fonte recludens,  
de Sophias atque Dei scita verenda docet. (4)*

*Romae sacra litas: Romae tibi iuris alumno  
paria labore comas laurea condecorat.*

*Addit mox animos et vires Sala secundas,  
princeps romano murice conspicuus;*

*auspicio quo cursum moliris, mente volutans  
usque tui tanti dicta diserta senis. (5)*

*Dulcis Parthenope, Beneventum dein tenet, aequa  
u' lege Hirpinos imperioque regas.*

*Te gremio laeta excipiens Turrena salutat,  
rectorem atque ducem vividus Umber habet. (6)*

*Sed maiora manent; en chrismatis auctus honore  
Pontificis nutu Belgica regna petis,*

*atque tenes, adserturus sanctissima Petri,  
Romanae et fidei credita iura tibi. (7)*

(1) Carpinetum est oppidum in Volscis prope Signinam in sinu montium  
quo Lepina vocant.

(2) An. 1818 cum Iosepho fratre V. terribium mittitur, et sodalibus e  
S. I. institutis traditur.

(3) Defuncta matre an. 1834, apud avunculum Romae diversatur in  
palatio Marchionum Muti, ac deinde in Academia Nobilium Ecclesia-  
sticorum.

(4) Franciscus Manera S. I. vir ingenio et doctrina praestantissimus,  
aliquo Patre clarissimus.

(5) Ioseph Antonius Sala Card. peculiari benevolentia adolescentem  
complectitur, et sapientibus monitis et consiliis plurimum iuvat.

(6) Laureus doctorali insignitus, post susceptum sacerdotium, a Gre-  
gorio XVI P. M. inter antistes Urbanos Pontificales adsciscitur an. 1837,  
ac puto provinciarum Beneventi, et Perusiae gubernator constituitur.

(7) In sacro Consistorio, habito an. 1843 die 27 Ian., archiepiscopus  
Damasianus eligitur, et Apostolicae Sedis Nuntius ad Belgas mittitur.

*Redditus at patriae, brumali e littore iussus*

*Ausoniae laetas et remeare plagas;*

*Umbros en iterum fines, urbemque revisis*

*quam tibi divino flamine sponsat amor. (1)*

*Iure sacro imperitas ter denos amplius annos*

*et pleno saturas ubere Pastor oves. (2)*

*Romano incedis Princeps spectandus in ostro, (3)*

*Belgarumque equitum torquis honore nites. (4)*

*Te pia turba, Deo pubes devota, sacerdos*

*certant o'sequiis demeruisse suis.*

*Verum quid fluxos memoras, quid prodixit honores?*

*Una hominum virtus ditat et una beat.*

*Scilicet hanc unam, aevo iam labente, sequaris,*

*ad superos totum quae tibi pandat iter!*

*Aeterna donec compostus pace quiescas,*

*sidereae ingressus regna beata domus.*

*Ah! miserans adsit Deus eventusque secundet:*

*aspiret votis Virgo benigna tuis.*

(Ad proximum numerum).

SUBALPINUS.

(1) Perusia a turribus, quibus munitur, dicta est Turrena.

(2) An. 1845 a Gregorio XVI. P. M., in sacro Consistorio die 19 Ian.  
habito, ad sedem Perusinam promovitur.

(3) An. 1833, in sacro Consistorio habito die 19 Dec. a Pio IX P. M.  
Presbyter Cardinalis renuntiatur titulo S. Chrysogoni.

(4) Belgica legatione perfunctus, a Leopoldo I Belgarum rege inter  
equites torquatos Ordinis Leopoldiani adlectus est.

## DE QUIBUSDAM EX COSTANTINIANA AETATE IN HUMANITATEM EFFECTIBUS

Humanae vicissitudines, quae populorum regimen  
nationumque vitam perturbant ac mutant, legibus sem-  
per bonisque artibus ac monumentis profunda relinquunt  
vestigia. Haec enim, iuxta civilem populi praevalentis  
cultum, aut incrementum accipiunt, aut deprimuntur;  
plerumque tamen parum, si quid est, suo robore de-  
sciscunt.

Victoris laudes gemitusque victi haud raro cele-  
brant musae ac posteris memoriam tradunt: gloriosa  
enim imperatorum gesta ingenii venam excitant poetis;  
monumenta denique et ipsa novis maximisque even-  
tibus afflantur, atque humana instituta eorumque cum  
relligione congruentiam commemorant.

Multiplex hoc argumentum qui velit circa Constan-  
tini tempora, et quae proxime sequuta sunt, evolvere,  
post scilicet relatum ad Saxa Rubra de tyranno Maxentio  
victoriam, complurium voluminum materiam habebit  
conscribendam. Nulla fortasse alia aetas est, quae gran-  
diora populis pepererit bona quam Constantiniana illa;  
ac procul dubio ad civilem cultum hominisque prosperi-  
tatem quam maxime contulit.

Verum enimvero haud de hostibus imperii, sed de  
Romanis legionibus profligatis Constantinus triumphavit;  
quapropter Maxentii debellatio et occisio, veluti spurci  
crudelisque tyranni caedes, posterorum quidem memoriae  
tradentur, at nihil de fratricidiis praeliis memorabitur.



fuert, et maxime ab Apostolis, qui primitias Spiritus acceperunt (*Rom.* VIII, 23): Nos ipsi primitias spiritus habentes... Praeterea, perfectione depositi revelationis denegata, Ecclesiae identitas simulque Ecclesiae infallibilitas perirent.

..

Neque audendi sunt Modernistae, dum voce atque conceptu *progressus* abutuntur; alius est enim progressus ab Ecclesia adsertus, alius progressus Modernistarum. Progressus catholicus in veritatibus Ecclesiae a Vincentio Lerinensi defensum, 1° Est *quidam veritatis profectus*: « O Tractator, o Doctor pretiosas divi dogmatis gemmas exculpe, fideliter coapta, adorna sapienter, adiles splendorem, gratiam, venustatem. Intellegatur, te exponente, illustrius quod ante obscurius credebatur. Per te posteritas intellectum grataletur quod ante vetustas non intellectum venerabatur. Eadem tamen quae didicisti doce, ut cum dicas nove, non dicas nova... Fas est enim ut prisca illa caelestis philosophiae dogmata processu temporis exteurentur, limentur, pollantur... Accipiant, licet, evidentiam, lucem, distinctionem ».

2° In *progressu* hoc, nulla est *permutatio veritatis*.

« Profectus sit ille Fidel non permutatio. Siquidem ad profectum pertinet ut in semetipsa unaquaeque res amplifietur; ad permutationem vero, ut aliquid ex alio in aliud transvertatur. Crescat igitur oportet, et multum vehementerque proficiat, tam singulorum quam omnium, tam unius hominis quam totius Ecclesiae, aetatum ac saeculorum gradibus, intelligentia, scientia, sapientia, sed in suo dumtaxat genere, in eodem scilicet dogmate, eodem sensu, eademque sententia... Nefas est ut commutentur, nefas ut detruncantur, ut mutilentur... »

3° *Progressus iste explicatur similitudine* ex augmento corporis humani desumpta. Corpora licet « annorum progressu, numeros suos evolvant et explicant, eadem tamen quae erant permanent. Multum interest inter pueritiae florem et senectutis maturitatem: sed fidem tamen ipsi fiunt senes qui fuerant adolescentes; ut quamvis unius eiusdemque hominis status habitusque mutetur, una tamen nihilominus eademque natura, una eademque persona sit. Parva lactentium membra, magna iuvenum, eadem ipsa sunt tamen. Quot parvulorum artus, tot virorum: et si qua illa sunt quae aevi maturioris aetate parlantur, iam in feminis ratione praeserta sunt; ut nihil novum postea proferatur in senibus quod non in pueris iam ante latitaverit. Unde non dubium est hanc esse legitimam et rectam proficiendi regulam, hunc ratum atque pulcherrimum crescendi ordinem ». (1)

E contra Modernistarum progressus, non est profectus, sed *regressus*; non perfectio veritatis, sed veritatis *permutatio*; non veritatis in identitate conservatio, sed veritatis *corruptio*!

REGINALDUS FEI O. P.

(1) *Common.*, I, c. 22, 23.

## DE LEONE XIII P. M. COMMENTARIUS <sup>(1)</sup>

### IV. — Carpineti moratur. — Carmina varia.

Roma profectus, muneribus praemiisque onustus, paterna rura alacer petiit, ut ibi valetudinem suam curaret. Laboribus enim paene accisus, animum otio relaxare sperabat. Et ipse consentiebat immodicum fuisse nimiumque in studiis. Haud ita tamen solatium ex otio atque in aedibus paternis, quod hauriebat satis erat; namque moestitia animi laborabat, quod tamdiu mater, moerore confecta, in omnium luctu praerepta, haud amplius hilaritate vultus orisque pietate eum recrearet. Et frater quoque, morte antea interemptus, cum quo coniunctissime vixerat, animi angorem augebat. Atque adeo tot lamentabilibus casibus ita erat affectus, ut nunquam antea meminerit se tantum capere animo dolorem. Et ipse morbo implicitus magno in periculo versabatur.

Per idem fere tempus firma concepit mente carmen quod longo tamen intervallo in lucem edidit. Qui moestitiae sensus in ipso, quae verborum sententiarumque proprietas! Nemo est qui vel nunc tristissimas ex oculis lacrimas non eliciat! Tute ipse perlegens facile hanc meam sententiam adprobaveris. Ei est titulus:

### DE VALETUDINE MEA.

Puber bis denos, Ioachim, vix crescis in annos;  
morborem heu quanta vi miser obrueris!  
Iuverit hos fando tristes memorare dolores,  
Et vitae aerumnas dicere carminibus.  
Nocte vigil, tarda componis membra quiete,  
viribus effetis esca nec ulla levat.  
Languentem stomachum; depresso lumine ocelli  
caligant; ictum saepe dolore caput.  
Mox gelida arentes misere depascitur artus  
febris edax, mox et torrida discruciat.  
Iam macies vultu adparet, iam pectus anhelum est;  
deficis en toto corpore languidulus.  
Quid tibi blandiris, longos quid conspicias annos?  
Atropos horrendum mortis adurget iter.  
Tunc ego: « Non trepida frangar formidine: mortem,  
dum properat, fortis laetus et opperiar!  
Non me labentis pertentant gaudia vitae,  
aeternis inhians nil peritura moror.  
Attingens patriam, felix erit advena, felix  
si valet ad portum ducere nauta ratem!

Quid est nobis dulcius, quid hoc carmine suavius?  
Hoc ipse Catullus laudaret, nec sibi si quis ei adtribueret, spernendum esse putaverit.

Placent prae ceteris novissima verba, quae mortalium mentem ad sidera tollunt, dum inanes poetarum veterum sententiae nunquam in meliorem sensum nos rapiunt, neque divina quadam fiducia animos recreant.

(1) Cfr. num. sup.



GRATAE IUVENTUTIS MEMORIAE...<sup>(1)</sup>

Ed iter in pulcram nemoroso tramite Villam<sup>(2)</sup>  
 Frondibus obductum lauri, quae sole cadente  
 Purpureo rarorum umbracula lumine inaurat.  
 Per facilis callis flexus via iucit ad amplam  
 Planitiem, cuius latera undique consita laetis  
 Arboribus curvo praelexit plurima gyro  
 Sylva, laetum tenebris suadens aprica quietem.  
 Hinc atque hinc molli candentia marmore signa  
 Obtinere locum foliis vel condita densis.

Hic nymphae sedet ad sacrum succincta Dianae  
 Forte datura hauslas illimi e flumine lymphas  
 Amigrae manibus dioae; innixusque capel à  
 Pan Deo Arcadiae cera coniungere plures  
 Insistit calamos, septem discrimina vocum  
 His imitans: contra, pratorum gaudet aperto  
 Lamine Amor Matris geminas ad laeta columbas  
 Pabula pastor agens; venas inflatus laccho  
 In laevi saxo securae obliuia vitae

Carpebat somnum Faunus; delapsa iacebant  
 Saria procul capiti aeterno intertexta amarantho  
 Nympharum manibus, nec earum cura madenti  
 Vincto somnis: haec illic copia prostat  
 Marmoris, hisque fere similes habet area formas.

Fons sonat in medio nitidis argenteus undis  
 Multiplici lapsu, varioque volumine aquarum  
 Colludens: viridi e torfo media emicat alte  
 Unda fugax, pluresque ingenti aequata cylindro  
 Procurrens trahit aduerso sub sole colores.  
 At replet salientis aquae cum murmure leni  
 Excipiunt latices subiecto concava in alveo  
 Marmora; et irriguas circum violaria lymphas  
 Halantesque bibunt herbae: nam quotquot odori  
 Vere sub extremo septis nascuntur in hortis  
 Purpurei flores, apibus gratissima dona,  
 Tellurem late foliis gemmantibus ornant.  
 Aresae ridet permulsae gramine olenti  
 Concluduntque sinu foecundum dulcibus auris  
 Veris opus: quales pellucida flumina propter  
 Gurgites tenero gignuntur cespite myrti.

Orbis in extremo, domus alta cacumine cultuque  
 Auspici, sacraeque ministrat commoda pubi,  
 Quae studiis lassata, Autumni tempore, sive  
 Quae vetus ostentat pulcherrima rura salubri  
 E clio deducta Urbem unde et prospicit aequor  
 Oppidulum,<sup>(3)</sup> laetis fallens sermonibus horas  
 Quae agit secunda fruens vitalibus auris;

Sive suburbanam laetis tendit pede Villam.  
 Post, ubi mens recreata simul viresque receptae,  
 In ludum iuvat ire. Valentes atterit annos  
 Quisquis pampinea requiescens letus in umbra  
 Ver agit aeternum: sibi sic Romana iuventus  
 Indoluit quondam patrium attenuasse vigorem.

Huc ubi deveni, festiva luce frementes  
 Laetitia iuvenes mihi se ostendere galero  
 Protecti, in multos at se diffundit hystus  
 Fastigatus apex. Talos sub ustica ad imos  
 Illudit vestis, pannoque intexta nigranti.  
 Haec illis chlamys: at manibus nodosa gerebant  
 Robora, quae pastor si forte cubare colubrum  
 Viderit admordentem oneraret fortia membra.  
 Liminaque ingressus fulvo laqueata metallo,  
 Vidi alios inter sese certare paratos  
 Cantibus, aequae illis numerosa et murmurat Echo.  
 Dulcisonum socius tangebatur labilis errans  
 Pollice ebur quadrulis textum, scitusque canoras  
 Explorare notas, digillis modo acula ferire,  
 Moxque graves reddens sonitus vocale premebat  
 Dextera ebur, rapideque etiam sub pollice tactae  
 Exiguo obstrepere sono quadrulaeque, fidesque.  
 Vel levis impellens, querulos modo dulce ciebat  
 Tinnitus, pedibusque intensas ordine chordas  
 Ad numeros cautus certos tenditque remittitque.

Omnia quae molli quoniam moderamine aguntur  
 Delectare meos poterant non fallere sensus:  
 Nam placidum murmur, veluti cum Aurora fugatis  
 Sideribus roseo vix primum effulsit Olympo,  
 Turba avium in sylvis nascentia lumina solis  
 Provocat arguto cantu; hinc nemus obstrepit omne  
 Inclamantque cauae valles, montesque supini.  
 Nec tamen (in tacitis quamvis admurmuret arvis  
 Aligerum cantus) mulcet non gratior aures.  
 Atqui ita non agitant sollemnia festa profani  
 Dum rapidus choreae vortex<sup>(4)</sup> se circinat auris  
 Saltantesque gravat: dum tympana pulsa sonorem  
 Aere cient raucum, laxis dum immissus habentis  
 Perque choros agitur furor et convivia laeta,  
 Ebrietasque animos in coecas concitat iras.  
 Praeses sancte, tuis inerat sed risus ephebis  
 Ingeniusque pudor, mens candida in ore nitebat,  
 In gestu virtutibus aucta modestia miris.  
 Felices, quibus impendis curam atque labores,  
 Felices nimium pueri, qui pace fruuntur,  
 Lege sacerdotum certi se iungere quondam  
 Posse Deo, cuius nunc mollia iussa sequuntur.  
 Emissus stygiis latebris fremat invidus hostis,  
 Augeat et caedes; nunquam Vos turbine raptos

(1) Christianus ille vir, qui Armorum socii carmen, duobus abhinc paginis voluit decorare. Sicut illi debitas grates; sicut et gratulationes; carmen enim hoc octavo, sexdecim vix annos natus ille composuit!...

(2) Villa, de qua loquitur poeta, Romae sita erat ad clivum Esquilium, et subverra est ut ferriviae stationi locum cederet.

(3) Haec est Tusculum; Vulgo Frascati.

(4) Vulgo Volturi.

Leges, contra, omneque aliud civile institutum provehatur, ac brevi tempore ad talem celsitudinem pervenient, ad quam assequendam, secundum ordinarium eventuum cursum saecula non sufficerent. Tanti autem pro humanitate emolumenti quatenus fuit causa? Plurima huic dari possunt quaestioni responsa, quae nihilominus ad unum reducentur; nempe Christianae religioni eadem atque ethnico deorum plurimorum cultui iura facta sunt, seu quod Christiana imbui sapientia, Christique fidem libere profiteri quisque potuerit. In Christiana enim doctrina, quasi semen reconditum, illa facebat lex, quae optime hominis rationi congrueret sive in se, sive ut civitatis familiae membrum homo spectetur; quod quidem semen, ut radices mitteret fructusque produceret nihil, nisi aptam sibi conditionem, requirebat.

Quum Romae Christiani factionis veluti corpus haberentur, haud a ceteris, iuxta populi opinionem, distinguebatur sectis, quibus Urbs, Caesarum temporibus, scatebat. Quapropter, etsi non pauci ad Christum attrahi possent, vel inter magistratus, id tamen parum novae doctrinae propagationi moribusque ethnicae societatis proderat; sed fidelium tantum numerum persecutionibus imminutum abundanter restaurabat.

Ut vero evangelica sapientia leges afflaret, ac suprema veluti iustitiae norma in re publica haberetur; summam tam civilem quam religiosam potestatem, seu ipsos supremos legumlatores Christi fidem, eamque ethnico cultui aequatam, amplecti oportebat. Sic enim, non solum leges ad Christianam doctrinam exemplatae condi possent, sed et populus ad illas recipiendas observandasque paratus inveniretur; res vero haud secus ageretur ac si ethnici cultus nova praecepta in natione afferrentur.

Deo igitur provido debetur, quod Constantinus Magnus paganae religionis pontificatu maximo esset insignitus, neque eiusmodi potestatem, Christianus licet effectus, deponeret; ita enim neque ethnicis (saltem aperte) invisus, et Christianis protector patronusque exstitit, ac tales emanare potuit leges, ut vel hodie sapientissimae reputentur, in quibus vel nostra habeant praecipua instituta civilia fundamentum.

Ad artem vero quod attinet, Constantiniana aetas felicissima dicenda; non solum quia quidquid iam vigeat novo resplenduit decore, verum etiam quia novi artis modi adinventi sunt, quibus altissima ac prorsus inaudita magnitudinis ac pulchritudinis templa erigerentur. Quod utique nova quoque exigebat Ecclesiae facta libertatis lex, praesertim Romae et in occidentilibus provinciis, ubi templa ecclesiae domesticae vocabantur, propterea quod in ipsis patriciorum Christianorum domibus erant constituta; proindeque nec satis tuta ac libera exstarent, et, magis in dies fidelium numero crescente, angusta nimis evaderent.

Arts praeconstantiniana necessario funeraria apparet, quum publica monumenta, praeter sepulcra, haud pos-

sent aedificari, quae Christianas cogitationes exhiberent. Istas vero apud sepulcra expressas easdem fuisse quae in vetustissimis funerariis precibus inveniuntur, explorata res est. (1) Videlicet ipsae preces, quoties cadaver aliquod loculo componeretur, per cryptas resonantes, artifices veluti afflabant, qui, in depingendis sepulcorum parietibus, easdem biblicas historias precibus commemoratas coloribus repraesentabant.

Pace Ecclesiae per Constantini ac Licinii Mediolanense edictum concessa, eadem cogitationes in sepulcris, etiam sub dio, vel in basilicarum atriis constitutis, apparent; sed nova haud pauca effinguntur tempora sua Ecclesiaeque novas condiciones redolentia, nempe Ecclesiae triumphus; quaedam autem novae cogitationes apertius proferuntur, inter quae Petri super ceteros apostolos praecellentia, eiusdem cum Christo Domino similitudo, (2) Christi gloria divinaque maiestas, eminent.

Quod si pro sepulcris talia elaborantur, quid fiet in templis ubique ac libere, electa materia abundantibus, suppeditatis auxiliis, aedificatis, necnon luce meridiana aut innumerabilibus lampadarum flammulis colustratis?

Primum quidem Romanae artis formae praecipue in sacris aedificiis erigendis adoptabuntur; in maiores tamen dimensiones evolutae. Hinc in maximis templorum absidibus decorandis, Christiani artifices novum quid efficient, quum nullibi unquam tam latae superficies opere musivo, tessera auratis ac vitreis coruscante contextae apparuerint. Cuius quidem rei exemplum pulcherrimum Romae, apud ecclesiam S. Pudencianae, videre est, in quo, pone Christi aliorumque personarum plurimum imagines, urbs quaedam deprehenditur arte exquisita musivo depicta; quam alii Hierosolymae, alii ipsius Urbis delineationem putarunt.

Sed ipsae architecturae lineae paulatim mutantur, praesertim in orientalibus regionibus, novaque huius artis problemata resolvuntur. Iam paullo ante Mediolanense edictum (312) aliquid novi in arte construendi inductum fuerat, ut inter ruinas Diocletiani Palatii apud Spalaturnum cernere fas est. At ipsa orientalis architecturae elementa cum Romanis elementis commixta templis construendis adhibita, tantum ecclesiis contulerunt artis decoris, eorumque compositio ita proprium templorum factus est stilus, ut nemo hodie architectus praecipua quae nobis manent eius stili exemplaria sciret imitari.

Huius novi stili, quem Byzantinum vocant, omnium pulcherrimum monumentum est Constantinopolitanum templum S. Sophiae, quod Deus concedat ut ad Christianum cultum quamprimum et ad pristinum decorem restituatur.

XISTUS SCAGLIA O. C. R.

(1) Cf. opus meum: *Notiones archaeol. Christ.* Vol. II, pars 2.  
(2) Cf. *Vox Urbis*, mense Septembr. mcmx-febr. mcmxi.

GR  
Est  
Frand  
Purp  
Per fac  
Planit  
Arbor  
Sylva  
Hinc  
Olim  
Hic  
Forte  
Amig  
Per D  
In  
His  
Lun  
Pala  
In  
Carpe  
Sera  
Nym  
Vinc  
Marm  
Fons  
Multi  
Collu  
Unda  
Proc  
At rap  
Excip  
Marm  
Holan  
Vare  
Purp  
Tellu  
Aro  
Concl  
Veri  
Gard  
Orbi  
Amig  
Que  
Que  
E cliv  
Oppid  
Olla  
(1) Chri  
mentum  
pagina  
carnes  
(2) Vill  
et subve  
(3) Hoc



I. — Num herus tuus trusatili arcula utitur?  
Inter supellectiles eam non video.

V. — Armarium istud, speculo per longitudinem fere omnino coopertum, in vicem eius posuit. Bifariam dividitur, pro vestiario scilicet ac linteario. Prope est penularium, in quo vestes cotidiani usus suspendantur.

L. — Lychnus ille pensilis electricam lucem praefert, an non?

O. — Ille, ac lucernae omnes, quae in insula sunt.

I. — Quid scriptum est in limine superiore huius ostii?

V. — «Recipe te in portum tranquillitatis affectum».

I. — Quid in interiore poste forium?

V. — «Ne induxeris in portum tempestatem».

I. — Egregie dicta.

V. — Ah! conclavis huius clavem abduxit domina.

L. — Nummariane capsula in eo asservatur?

V. — Vacua tamen, quando herus procul abest.

L. — Undenam odor hic acutus?

V. — A proximo balneo, ubi mattiacae pilae et vascula odoramentorum asservantur.

L. — O bellum gurgustium cum laterculis hisce alba malva illinitis; cum urnario ex marmore, malluvio ex Iaponica argilla!

V. — Diaphragma illud abscondit lavacrum et hydrothecam cum sua machina ad calefaciendam aquam.

I. — Nonne etiam balneos pensiles?

V. — Imo eas recentissime conceptas. — At pergamus in alterum aedium membrum, quod est hibernum. Videtis omnia obscuriora et magis tecta.

L. — Punicanos lectos ac sedes ex holoserico villosos...

I. — Dossualia pro hypocaustis...

L. — Dicunt hypocausta bonae valetudini obnoxia.

V. — Non tamen quum fumus per optima aestuaria evadat.

I. — Quae est illa camera tam bene fornicata?

V. — Sacrarium, seu sacellum: ibi agitur res divina.

L. — Turriculae illae, et pyramides, et pilae, et indices ventorum, omnia qua venustate, quam admirabili arte!

V. — Descendamus. — Haec est culina...

I. — Cuius machinae haustum illud?

V. — Organi pneumatici ex supposita cisterna.

— Hoc est promptuarium; haec cella vinaria.

L. — Quot lagenae!... Salivam, hercle, movent!

V. — Sequitur cella penuaria, in qua mire infestamur rapacitate furum.

L. — Qua tandem est huc furibus ingressus? Omnia video probe clausa et fenestras cum ferreis cancellis.

V. — Per rimulas et foramina.

L. — Mures ergo sunt et mustelae, quae vobis penum diripiunt.

V. — Illud est posticum domus, firmatum plerumque duabus seris, affixa et pensili.

I. — Cur fenestrae hae non habent cancellos?

V. — Quoniam raro aperiuntur; spectant enim ad angustum angiportum, ut cernitis, et obscurum. Raro quisquam hic assidet aut profert caput; ideo et clathrare eas statuit herus meus.

I. — Quibus clathris?

V. — Fortasse ligneis; nondum est certum; interea repagulum hoc sufficit.

L. — Quam amplae columnae et porticus plena maiestatis! Vide ut Atlantes illi et Caryatides speciem praeferunt enitentium, ut fulcianta edificium, ne ruat, quum nihil agant. Tales multi sunt, qui magna videntur praestare, quum otiosi et segnes vivant, fruantes alienis laboribus. — Sed quanam est domus illa inferior huic adiuncta, tam male materiata et ruinosa?

V. — Est vetus aedificium, quod, quia ducebat rimas, et vitium faciebat ingens, herus meus decrevit hanc alteram a fundamentis erigere. Illa nunc nidulatio est avium et habitatio murium, furum scilicet eorum, quos dixi. Sed brevi eam demoliamur.

L. — Sint gratiae tibi quod tam humanum ducem te nobis praeuisti.

I. — Et meas habe.

V. — Absit inutilis verborum honos. Salvete.

## EX SACRIS CONGREGATIONIBUS ROMANIS

### SENTENTIAE NOVISSIMAE SELECTAE

#### Ex Congregatione Rituum.

*De iudiciali ordine servando in causis Servorum Dei procedentibus per viam casus excepti.*

In huiusmodi Causis per decretum *Cum in agendis* d. xi mens Novembr. MCMXII vetus disciplina instaurata est prout sequitur:

I. — Abrogato penitus quovis alio iudiciali ordine, ante omnia, more solito, perquirantur diligenterque recognoscantur scripta Servi Dei: tum confecto ab Ordinario processu super fama sanctitatis vitae, virtutum (vel martyrii) et miraculorum, quo respondeatur quaestionibus: «An in loco sit constans et communis fama et persuasio de sancta Servi Dei in terris conversatione (vel de eius martyrio et martyrii causa), necnon de miraculis ad eius intercessionem patratis: an ibidem de praesenti vigeat ipsius S. D. cultus et quibus



*Involvent turpes curae, atque illapsa cupio  
Impia bella Deo, sacrisque indicare sceptris.*

*Quare oculis egomet, Praeses, cum talia vidi,  
Conceplam dudum magis exarsisse medullis  
Persens flammam, nimirum adsciscier almo  
Coetu, quem facili sapiens moderaris habena.  
Hoc erat in votis; nec enim ut traducere laetus  
Romanis autumnus frigora mixtus ephebis  
Ipse velim, Thermae qua procubere vetustae.  
Sed tantum ingenuos ut possim inducere mores  
Atque hac pace frui, caelo quae labitur alto,  
O iuvenes, quorum sine labe est vita peracta,  
Quique Deum posthac castae velamine frugis  
Obductum, fove thuricremam apponetis ad aram.  
O quis me rapit? In caelum feror arduus altum,  
Contemplorque Deum: turpes abcedite curae.  
Casta placent Superis; pura cum veste sacerdos  
Iam videor Christum, dum verba potentia dico,  
Stellantis coeli regnis exire volentem.  
Flecte genu: Deus ecce, Deus! Curvamine et omnes...  
Quod mea mens inhilat divino percipia ab oestro,  
Dux optate, dabis; Tibi nunc mea cedita vota,  
Namque meus plene Tibi fas occurrere votis.*

NICARINUS.

## COLLOQUIA LATINA

### Domus. (1)

IOANNES. — Est tibi notitia cum insulario amplae  
atque elegantis huius domus?

LEOPOLDUS. — In primis, et est asseclae patris  
mei admodum propinquus.

I. — Rogemus eum, ut nobis eam omnem pa-  
tefaciat; nam ferunt nihil fieri posse amoenius,  
nec delectabilius.

L. — Pulsemus fores tintinnabulo ne irrumpa-  
mus inexpectati. At, at!

VITRUVIUS. — Quis istic?

L. — Ego sum.

V. — O salve multum, dulcissime adolescens!  
Unde tu?

L. — E ludo.

V. — Qua igitur gratia huc?

L. — Sodalis hic meus et ego vehementer cu-  
pimus hasce aedes visere.

V. — Nunquam spectastis?

L. — Ego non totas; hic earum nihil.

V. — Ingreddimini. Heus, Marce, affer mihi  
claves ostiorum! — Primum hoc est vestibulum;  
patet semper interdiu absque ianitore, quod nec  
intra domum est, nec tamen extra: noctu clauditur.  
Contemplamini portam magnificam, valvas e robore,

munitas aere; utrumque limen, et infimum et su-  
preum, ex marmore alabastrite... Sequitur ostium  
atrii, quod atriensis servus custodit. Tum atrium  
spatiosum ad deambulandum, antiquis vasibus et  
amphoris, ut videtis, ornatum. Nunc vero non  
magnas scalas, quae huc in publicum ferunt, ascen-  
damus, sed istas cochlides, secretiore ambitu, servis  
destinatas: rectiore via ad superiorem domum nos  
adducent.

I. — Numne scansoria cellula hic est, in qua  
scilicet per electridem aut aliquam virtutem aliam  
aedium fastigia capiantur?

V. — Mechanicae officinae commissa est, sed  
nondum perfecta.

I. — Tum equidem rectissima ac citissima via  
ibitur; imo etiam sine labore! .. Atqui hic ascensus,  
quem persequimur, difficilis admodum praebetur.

L. — Sed tamen, Deo adiuvante, per gradus  
hos ex marmore basalte, ni fallor, incolumes ad  
primam contignationem pervenimus.

V. — Haec habitatio est domini. Coenaculum  
superius hospitale est, non quod herus meus faciat  
coenaculum; sed paratum est hospitibus, amicis;  
ornatum, semper instructum et vacuum, nisi quum  
adsint hospites. Hoc est triclinium.

I. — Quae fenestrae! Quam scite depicta spe-  
cularia! Qui colores, quam vividi! Quae coassatio!  
Quae tabulae! Quae signa! Cuiusnam haec sunt?

V. — Hoc Mutii Scaevolae...

I. — Tanta arte effectum, ut non certe dici  
possit Mutus etiamsi Mutius. Quid mutiat?

L. — Id profecto: «Non incendet me hic ignis,  
quoniam alius maior ardet me intus».

V. — Simulacrum, quod sequitur, est Helenae...

I. — Ex lemmate conicitur: «Utinam fuisset  
semper talis; minus nocuissem». At quid signat  
coecus ille seniculus recalvaster, indice ad mu-  
lierem verso?

L. — Homerus nonne est?

V. — Est; Helenae dicens: «Quae male tu  
fecisti, ego bene cantavi».

I. — Inspice, Leopoldo, lacunar quanta magni-  
ficentia deauratum!

L. — Quo spectant fenestrae?

V. — Hae in hortos; illae in cavaedium.

I. — Quid sibi vult tabula illa, in cavaedii  
pariete nobis opposita tam varie delineata?

L. — Nonne sciothericum est?

V. — Id ipsum. — Adeamus nunc cubiculum  
et conclave

L. — Pulcrum certo huiusmodi cubiculum cum  
pavimento contabulato tapetibus hinc, storeis inde  
tecto. Quae imago super lecto? Plagula est enim  
fere omnino occulta, ut discernere possim.

V. — Beatae Virginis cum Christo puero, quam  
Botticellius olim Florentiae effinxit.

(1). Ex latinis colloquiis IOANNIS LUDOVICI VIVES passim retractavit  
hodiernisque moribus accommodavit. I. F.

Servi Dei, et quae opera virtutum praecipua a fidelibus, ex traditione, Servo Dei tribuantur; vel an fama sit de martyrio eiusque causa et signis. Postulator autem syllogem virtutum ipsius Servi Dei cum instrumentis et documentis historicis illius virtutes probantibus tradat Promotori Fidei, qui pro rei veritate relationem faciat; eaque typis impressa eminentissimis PP. Cardinalibus et Praelatis Officialibus distribuatur. Si eminentissimi Cardinales in Congregatione Ordinaria, audito voto Praelatorum Officialium, decernendum censerint, constare de virtutibus Servi Dei in gradu heroico, eorum resolutio Sanctissimo referatur, ut videatur cultus Servo Dei praestitus, sit confirmandus necne.

5. In ceteris omnibus Causis huius generis Decretum diei 11 novembris 1912 ut supra, religiose servetur. (D. XXXI mens. Ianuarii MCMXIII).

*Declaratio circa Rubricas tit. x, num. 2 et 5 de Missis votivis et « de requie ».*

In nova Rubrica Constitutioni Pianae *Divino afflatu* adiecta tit. x, num. 2 et 5, « prohibentur Missae votivae privatae seu lectae pro defunctis, in feriis Quadragesimae, Quatuor Temporum, II. Rogationum, in vigiliis, et in feria in qua anticipanda vel reponenda est Missa Dominicae; in Quadragesima vero permittuntur Missae privatae defunctorum tantum prima die cuiuscunque hebdomadae libera in calendario ecclesiae in qua Sacrum celebratur.

Nunc vero ad dirimendas quaestiones nonnullas S. Rituum Congregationi propositas circa applicationem praefatae Rubricae quibusdam Missis votivis privilegiatis tum in Ecclesia universali, tum certis in locis per Indultum apostolicae Sedis concessis, firmis manentibus legibus et privilegiis Missas solemnes seu in cantu respicientibus, quoad Missas privatas lectas, ea quae sequuntur decreta sunt atque declarata:

I. — Privilegium Missae votivae lectae, de speciali gratia nonnullis Sanctuariis concessum, ita ut celebrari possit in duplicibus I et II classis, seu etiam II classis tantum; et privilegium Missae votivae Ss. Cordis Iesu in prima feria VI cuiusque mensis, permanent in suo robore, etiam in feriis et vigiliis per dictam rubricam exclusis.

II. — Privilegium Missae votivae lectae aliquibus Sanctuariis aut aliis ecclesiis vel communitatibus quocunque modo et titulo concessum, ita ut celebrari queat tantummodo in duplicibus maioribus et minoribus, et exclusis feriis, vigiliis et Octavis privilegiatis, sic erit deinceps applicandum; ut dictae Missae votivae lectae prohibita sint in omnibus feriis in praefata rubrica enumeratis. Loco tamen huiusmodi Missae votivae, extra feriam IV Cinerum, hebdomadam maiorem et vigiliis Nativitatis et Pentecostes, adiungi poterit oratio ipsius Missae votivae, vel in Missa de die post orationem feriae seu vigiliae, vel in Missa de feria seu

vigilia ante alias orationes. Quod si adsit specialis concursus populi, unica Missa lecta ex praedictis Missis votivis celebrari poterit, quoties Missa in cantu commode haberi nequeat.

III. — Privilegium Missae votivae lectae pro sponsis ita erit applicandum, ut liceat, extra tempus clausum, haec Missa dici etiam in praedictis feriis et vigiliis.

IV. — Privilegium Missae pro defunctis lectae aliquibus locis vel Ordinibus concessum ita ut bis vel ter in hebdomada celebrari possit etiamsi occurrat aliquod duplex maius vel minus, in posterum ita erit applicandum, ut intelligatur tantummodo concessum pro diebus in quibus non occurrat aliqua feria aut vigilia, ut supra. Quapropter in huiusmodi feriis vel vigiliis Missae lectae pro defunctis semper prohibita sunt, exceptis Missis in die obitus vel pro die obitus, in ecclesiis ubi celebratur funus alicuius defuncti cum Missa in cantu; item excepta unica Missa quae pro defuncto paupere celebrari potest iuxta decretum d. IX mens. Maii MDCCCLXXXIX, n. 4024; item Missis quae in sepulcretis celebrantur, ad normam decreti d. XI mens. Maii MDCCCLXXXVI, num. 3903; item exceptis Missis lectis in prima die libera uniuscuiusque hebdomadae in Quadragesima iuxta novas rubricas. Ex indulgentia vero sanctae Sedis habentur adhuc valida, donec expirent, Rescripta quinquennalia, aliquibus dioecesium et provinciis religiosis exteris nuper concessa, celebrandi bis in hebdomada Missas lectas de Requie in die obitus seu depositionis, tertio, septimo, trigésimo et anniversario.

(D. VIII mens. Februarii MCMXIII).

## DIARIUM VATICANUM

(Mense Februario MCMXIII).

### Coram SSmo. admissiones.

Praeter Purpuratos Patres, Urbanos Antistites alioque viros, qui sui quisque muneris gratia Pontificem de more adiverunt, peculiari nota digni sunt iuxta admissionis diem: Pontificii Seminarii Pii moderatores et alumni; De Leyen, Princeps, eiusque uxor; Liechtenstein, Princeps foemina; Andrassy, Comites; Georgius De Gumpenberg, Marchio; Iosephus Della Torre, Comes, popularis unionis inter Italiam catholicos Praeses nuper renunciatus; Aloysius De la Grange, Dynasta; De Langle, Marchionissa; De Cossè, Comitissa; Du Chastel, Comes; Firminus Calbeton y Blanchon, Hispanici regni senator, atque legatus extraordinarius pro sua civitate nunc ad Pontificem missus; Aloysius Lancellotti, Princeps Urbanus; Camillus Desmaisières, Vicecomes; De Pimodan, Comitissa; Thomas Antici Mattei, Princeps Urbanus; De Radziwill, Princeps; Eugenius De Biver, Comes; Ludovicus De Pastor, eques torquatus, eiusque uxor; Ludovicus Chigi Princeps Urbanus; Bernardus Pichardo, eques torquatus, Dominicianae civitatis legatus ad nuncium Pontifici ferendum de novi rei publicae praesidis, illmi. ac revmi. viri Adulphi Alexandri Nouel, electione; De Croij, Princeps, eiusque uxor; Thomas Balbi, Comes; Genuensis ci



obsequiis S. D. honoretur», eoque ad S. Congregationem transmissio et ad normam iuris aperto, proponatur in congregatione ordinaria dubium: «*An signanda sit Commissio introductionis*» exquisito in scriptis voto trium consultorum, quorum sententiam S. Rituum Congregationis Secretarius in ipsa congregatione ordinaria referet.

Signata Commissione, expédiantur litterae remisoriales ad viros ab ipsa S. C. electos, ut, ad tramitem iuris, processus apostolicus instruat super casu excepto et sententia feratur. Processu vero ad sacram Congregationem transmissio et aperto, atque comparata a causae patrono positione cum animadversionibus promotoris S. Fidei et responsionibus ipsius patroni, in ordinaria congregatione proponatur dubium: «*An confirmanda sit sententia iudicis delegati*».

II. — Processus probare debet tum cultus initium, tum eius iugem continuationem usque ad sententiam delegati iudicis.

III. — Documenta historica manu scripta, autographa tamen et impressa, cultus antiquitatem eiusque iugem continuationem comprobantia, transmittantur ad sacram Congregationem, ut a viris peritis examinentur: in casu vero quo ad S. C. transmitti nequeant, a peritis S. C. recognosci debent ubi asservantur.

IV. — Si sententia super casu excepto favorabilis fuerit et a Summo Pontifice adprobata, expédiantur litterae remisoriales ad processum super virtutibus vel super martyrio eiusque causa, iuxta diversitatem causarum. Quo item ad S. C. transmissio et aperto, eiusque validitate adprobata, in tribus Congregationibus, nempe antepreparatoria, praeparatoria et generali, proponatur dubium super virtutibus vel super martyrio eiusque causa, prout fit in causis procedentibus per viam non cultus.

V. — Post editum Decretum, si Summo placuerit, de herocitate virtutum vel de martyrio, et de cultu immemorabili, Servus Dei dicitur aequipollenter beatificatus, et tunc tantum locus fit Officio et Missae, quae concedi non possint nisi his Servis Dei, qui beatificationis vel formalis vel aequipollentis, uti vccant, honore decorati sint.

VI. — Occasione confirmationis cultus, his quorum interest, primo anno a confirmato cultu, inchoando a die editi Decreti, in ecclesia in qua adservatur Servi Dei corpus, vel ipse Servus Dei peculiari veneratione colitur, tridua sacra solemniter celebrare liceat.

VII. — In progressu ad canonizationem omnia pertractentur, ut in causis Servorum Dei procedentibus per viam non cultus: requiruntur vero quatuor miracula post indultam venerationem patrata.

*Decretum de Causis Servorum Dei procedentibus per viam casus excepti, quarum discussio, edito Decreto d. xi mens. Nov. MCMXII, suspensa fuit de mandato Sanctissimi.*

Edito Decreto *Cum in agendis* die xi Novembris superioris anni, quo sanctissimus Dominus noster Pius

Papa X iudicalem ordinem sancivit servandum in Causis Servorum Dei procedentibus per viam Casus excepti, quum Sanctitas Sua mandasset, ut suspensae manerent Causae omnes eius generis quae apud sacrorum Rituum Congregationem agi coeperant, non exclusa Causa Servi Dei Isnardi ex Ordine Praedicatorum, Beati nuncupati, donec ipsa Sanctitas Sua eminentissimo Cardinali eidem Congregationi Praefecto, vel eiusdem Congregationis Secretario, mentem suam aperiret: quumque interea nonnulli Postulatores per S. Rituum Congregationis Secretarium supplicibus votis ab ipso sanctissimo Domino nostro quaesissent, an sibi liceret prosequi Causas ante memoratum Decretum inchoatas, easque ad finem perducere veteri procedendi ordine servato; Sanctitas Sua negativum dedit responsum.

Ex speciali vero gratia concedendum esse duxit, ut resumi possint illae Causae quae, quamvis tractatae iam fuerint apud sacrorum Rituum Congregationem, nondum tamen ad exitum pervenerunt per approbationem vel confirmationem Sanctitatis Suae; et illae praeterea quarum positiones typis impressae traditae fuerunt Promotori Fidei ante promulgationem Decreti memorati, iuxta elenchum ab ipso Promotore confectum et sacrae Rituum Congregationis Secretario exhibitum; quae omnes ita pertractandae erunt, ut quadam indulgentia et moderatione adhibita, eiusdem Decreti substantia omnino servetur, hoc tamen pacto, ut:

1. Non procedatur ad ulteriora, nisi peractis, more solito, perquisitione et revisione scriptorum, si quae sint.

Si post revisionem scripta approbata fuerint, in Congregatione Ordinaria dicantur Dubium, nisi discussum iam fuerit, «*An sententia lata ab Ordinario super Casu excepto confirmanda sit*». Cuius Dubii favorabilis resolutio erit, vel «*Confirmandam esse sententiam, ita ut ad ulteriora procedi possit*», vel «*Sufficienter constare de Casu excepto, ut ad ulteriora procedi possit*», prout res tulerit.

3. Secretarius favorabilem Congregationis resolutionem, ut supra, Sanctissimo referat cum rationum momentis, in compendium redactis, quibus suffragatores innixi sunt; quam Pontifex, si ei visum fuerit, auctoritate Sua confirmabit, iuxta ea quae Ipse constituit in Decreto *Cum in agendis*. Declarat autem Sanctitas Sua vim huius confirmationis, prout ex eodem Decreto eruitur, non eam esse ut censeatur Pontifex illico permittere cultum Servi Dei, sed tantum facultatem facere ut ad ulteriora procedatur: quum enim agatur de antiquissimis Causis, eadem Sanctitas Sua non intendit cultum approbare, nisi iudicialiter constiterit de fundamento rationabili cultus, nempe de virtutibus Servorum Dei.

4. Si Sanctissimus hanc confirmationem addiderit, mandetur Ordinario, onerata eius conscientia, ut sacrorum Rituum Congregationi significet, an eo loci vigeat fama de sanctitate vitae, virtutibus et miraculis



## PER ORBEM

Die III mens. Februarii MCMXIII, Neapoli, ob sacra urbis vectigalia, opificum omnium ab operibus desertio fit, tumultusque excitantur, quos per vim reprimere oportet.

— d. IV sylvae Australis regionis Victoriae immani incendio late absumuntur.

— d. V inter ferriviae stationes Elisabeth - Stadt atque Mediasch curruum series vapore actorum in alteram occurrit, quae, petrolei dolia vehens, facile incenditur. Viatores tres vulnerantur; ceteri, inter quos Eltel Fridericus, Borussiae princeps, incolumes fauste omnes evadunt.

— d. VIII flammae, qua de causa exortae ignoratur, Boghazkechen Tophane, Constantinopolitani vicum, ligneis domibus frequentem, fere omnia destrunt.

— d. IX atrae procellae Angliae septentrionales provincias late pessumdant.

— d. X ex nova Zelandia nunciatur Scott, antarcticae expeditionis dux, polum mense Ianuario superioris anni MCMXII attigisse; quum vero rediret, nivali turbine oppressus, cum comitibus aliquot miseram mortem inter glacies occubuisse.

— d. XII Romae placide quiescit in Domino Rosa Sarto, Pii X P. M. soror, Riese, in oppido Tarvisinae dioecesis, orta d. XII mens. Ianuarii MDCCLII.

— d. XVI aviatoriae artis internationalis publica exhibitio coram Anglorum rege Londini inauguratur.

— d. XVI Sultan-Ahmed, Byzantinus vicus, et ipse ignis praeda fit.

— d. XVII Lutetiae Parisiorum, Raymundus Poincaré, novus Gallicae reipublicae praeses ad septennium renunciatus, in imperii possessionem solemniter immittitur.

— d. XIX Troyki, Petropolitanum templum a Petro illo Magno conditum, quod merito antiquitatis museum appellari poterat, malo fato comburitur.

Incendium alterum Kando ex oppido ad Tokium nunciatur, unde tria millia aedium ac tectae exustae feruntur.

— d. XXIII Berezovski vulcanus media in Kamtchaka peninsula positus, multo abhinc tempore quiescens, excitari iterum videtur cineresque copiose evomit.

— d. XXV Daniae rex ac regina Berolinum perveniunt Germanicam imperialem domum visitaturi.

— d. XXVI novae ex Antartici poli explorationis victoriae lugentur: Ninnis, Anglicus centurio, et Mertz, Helveticus doctor.

— d. XXVII Romae vita fungitur Angelus De Gubernatis, vir multarum litterarum cognitione clarus. Augustae Taurinorum natus erat d. VII mens. Aprilis MDCCCXL.

— d. XXVIII Las Palmas insula terrae motu concutitur, nulla tamen hominum iactura.

## A ENIGMATA

## I.

Occiduis peterem Eoas regionibus oras,  
Quo placet ibo; vice haud fessa labore premar.  
Hinc minor aut maior numeratur massa metalli,  
Si brevis aut longius sit labor ille viae.  
Sic ego vicitim gestantis debile corpus  
Missa traho, noceat ne manus ulla mihi,  
Vaginis non arma gero, sed stemmata monstro,  
Atque styli nivea cyclade claudio notas.  
Vos idem simul ardor habet me optatis adesse;  
Hinc cupide vestros calco recepta lares.  
Aeris pressa notis venio; laceratis at illis,  
Reclusam tantum lumina vestra vident.  
Demite velamen primum, quod cinxerat artus,  
Si placet in patulas lumina ferre genas.  
Dum placet obtutus detectae immittere fronti,  
Frons mea non villi, visa, pudore rubet.

A. EPIRO.

## II.

Vin tu, me a cauda, vin, rostro me legex: longo  
Est eadem semper bestia, nomen idem.

I. WABNER.

Ex sociis, qui utriusque aenigmatis interpretationem ad Doctorem IOSEPHUM FORNARI, Commentarii moderatorem (Roma, via del Governo Vecchio, 96) miserint intra menses duos, unus, sortitus, gratis accipiet opus, cui titulus:

## EUPLIUS

Actio dramatica I. B. FRANCESIA  
in tres actus distributa.

Aenigmata an. XV, n. XII proposita his respondent:

I (vulgo REBUS): Neque intus neque foris.

II. Is-is.

Es rite soluta miserunt:

Athan. Hepp, Sancto Leonis in Florida. — Petrus Tergestinus. — Diomedes Falva, Constantia. — B. Ferraris, Augusta Taurin. — Iac. Costa, Duvio. — Ant. Masia, Tarragona. — Iac. Cordara, Parentio. — I. Ciolli, Pavia. — Nic. Lagumius, Panormo. — St. Lowinski, Zerków. — Alois. Geyer, Ratisbona. — Iac. Menendez, Madrito. — Rich. Muller, Berolino. — Clem. Fiard, Curia Rhaetorum. — Frid. Horwath, Vindobona. — F. Arnori, Mediolano. — Rich. Brondel, Brugis. — Lud. Dubois, Massilia. — Hern. Forgeot, Nicaea ad Varum. — Raim. Silvan, Londino. — Eng. Dolmar, Chicagino. — Mart. Dunne, Neo Eboraco. — I. Ortis, Morelia. — Io. Martins, Philadelphia. — F. Wawer, Marianopoli. — Claudius Lucensis. — Nic. Endrigi, Salisburgo. — Alf. Martinez, Badaiochio. — Lud. Goux, Bituricis. — Alb. Perraud, Lutetia Parisiorum. — Arch. Magliano, Genua. — F. X. M., Drepano. — F. Correa Emerita. — Alb. Kain, Dublino. — P. Prado, Venetiis. — Carn. Zilnecky, Cracovia.

Sortitus est praemium:

IGNATIUS CIOLLI

ad quem missum est opus, cui titulus:

MANUTH PAULI EPISTOLAE SELECTAE  
(Edid. M. Fieckelscherer.)

Sponsor: IOANNES BAPTISTA CIAMPI, iurisperitus

ROMAE. — Ex officina Societatis Editricis Romanae.

vitatis legatio, ob denegatum ab Italico gubernio electo archiepiscopo officii sui exercitium, sollemniter apud Pontificem interpellans.

### Pontificiae electiones.

Illmus. ac revmus. dnus. Franciscus Ragonesi, archiepiscopus tit. Myren., Nuntius Apostolicus Madritum mittitur.

— R. p. Iosephus Lemius ex Congregatione Oblatorum Mariae Immaculae, S. Congregationis Indicis Consultor creatur.

Ad idem officium apud S. Congregationem Studiorum r. p. Henricus de Floch e Congregatione Spiritus Sancti, et apud S. Congregationem de disciplina Sacramentorum r. p. Thomas Pégues ex Ordine Praedicatorum deputantur.

### Vita functi viri clariores.

Die IV mens. Februarii MCMXIII Vindobonae obiit Purpuratus Pater Franciscus Xaverius Nagl, illius civitatis archiepiscopus, ipsa in urbe natus d. XXVI mens. Novembris MDCCCLV; episcopus Tergestini. et Iustinopolitan. electus d. IX mens. Iunii MCMII; ad metropolitanam Vindobonensem promotus mense Augusto MCMXI; in Sacrum Senatum cooptatus d. XXVII mens. Novembris eiusdem anni; vir praeclaris tum religiosis tum civilibus virtutibus refulgens.

## ANNALES

### Balkanicum discrimen.

Tonuit reapse, uti praevidebamus, bellorum tormentorum iterum fragor tertia die superioris mensis Februarii; quorum effectus non aperte satis innotuerunt, militaribus exterarum nationum legatis, itemque diurnorum scriptoribus prohibitione a bellantibus facta, ne ulterius exercitus sequerentur.

Dum itaque omnes putant hostilia apud Cistalgiam acriter renovari, dumque de die in diem Adrianopolis urbis delitionem expectant, proelia ex Thracica Chersoneso nunciantur magna vi utrinque acta, non eo tamen successu, qui asperam hanc diuturnamque quaestionem dirimere tandem valeret. Quinimo huiusmodi veluti *stasis* et spem aliquam excitavit, Europaeorum nationum officia non omnino interrupta fuisse; eamque eventus confirmare videntur, siquidem quum scribimus pro certo affertur, utramque partem se aequo magnarum Europaeorum, quae vulgo dicuntur, nationum animo commissuram pro certis atque definitivis pactionibus de pace constituendis. — O utinam auspicia addicta fuerint!

\*\*\*

### Mexicanum civile bellum.

Latinae Americae populi in quadam quiete vivere iam aliquo tempore videbantur, quum ex improvviso atrox civile bellum in Mexicana repu-

blica exarsit, a factionis hominibus qui Felicem Diaz tamquam ducem sequuntur, submotum, contra Madero praesidem. Initio rebellis partis fautores numero inferiores apparebant, ita ut facile vinci possent; verum Huerta et Blanquez imperatoribus per prodicionem ad inimicos transmigratis, conversae sunt res, ac primum praesidis frater per fraudem est occisus, deinde ipse Madero et Juarez, alter a praeside, interempti. Rerum status, valde implicitus, Civitatum Foederatarum Septentrionalis Americae interventum ne provocet?

\*\*\*

### In Mauritania.

Iuxta foedus Hispaniam inter atque Galliam initum, Hispania Tetuan occupavit, quae urbs caput erit Hispanicae orbis in Mauritano imperio. Ibidem Alfen imperator sedem ponet, copiarum omnium iam nunc praefectus.

## PUBLICI PER ORBEM COETUS legibus ferendis

In Anglia lex de rationibus imperii ab ecclesia in Vallia separandis, quae a populi legatis fuerat approbata, apud Senatum reiecta est.

In Belgica de militari re innovanda rogatio legis prima vice rata habita.

In Civitatibus Foederatis Americae Septentrionalis summa imperii pro Praeside ad sex annos dilata; prohibitum tamen ne sine annorum sex intervallo idem Praeses iterum eligi possit.

In Gallia rationes expensarum pro re navali in disceptationem vocatae.

In Germania publici coetus legati qui catholicas rationes protulerant obtinuerunt, ut lex qua Patres e Societate Iesu a civitate arcebantur, aboleretur.

In Hungaria Zichy, Comes, publicae institutionis administer, a munere abdicavit, in eiusque locum suffectus Bela Iankowic.

In Iaponia novum administrorum collegium constitutum, praeside Yamamoto.

In Italia novae rationes circa ritum apponendi poenas constitutae.

In Russia descriptae formae de civitatis defensione, de bellicis tormentis augendis, de militari portu ad Reval constituendo, apud publicum coetum lege confirmatae. In Senatu autem rogatio legis exclusa de patrocinio apud tribunalia mulieribus concedendo.



# SOCIETAS EDITRIX ROMANA

**ROMA - Via delle Coppelle, 35 - ROMA**

praeter Officium nuntiorum et publicae rerum praedicationis, tum  
per Italiam omnem, tum apud exteras gentes, quo facilius satisfaceret  
pluribus et Diurnorum suorum, et VOCIS URBIS commentarii sociis et  
lectoribus requirentibus consultationes, consilia, explanationes, sollici-  
tationes apud forenses aut civiles magistratus, aptum quoque recens  
instituit

## OFFICIUM CONSULTORUM ET PATROCINII,

quod eximiis iuris peritis concedidit.

Huiusmodi officii peculiare munus imprimis datum est, ea apud  
Curias quaslibet et publicas administrationes procurandi, quae in com-  
modum Sacerdotum in eorumque iurium omnium tutelam cedere maxime  
possint, uti parochialium congruarum supplementa, cultualium expensa-  
rum solutionem, regalium placitorum expeditionem, reddituum conver-  
sionem, potestatem hereditatum vel aliarum liberalitatum excipiendarum,  
docendi facultatem, etc.

PRO OMNIBUS

Diligentia in opere - Temperantia in pretio

## AD ROMAM

## ACTIO DRAMATICA

versibus plautinis composita et in tres actus distributa.

Iuvabit ipsum persequi consilium...  
Sic, imperator, vinces adversarios,  
Tenebis Urbem tuis sub stipendiis,  
Italiam totam vocabis denuo.

PUBLIUS.

Meum licebit si consilium promere,

Cave, imperator, cave ab hac sententia!  
Super christianos irruant nunc fulmina,  
Sibi quae semper adprecantur pessimi.  
Et adsunt multi nostris in custodiis  
Damnandi capitis propitiae victimae.  
Sic omnes discant sibi quod profuerit  
Christum sequi, Deum quem folles autumant.  
At verberamus inanes umbrellas  
Et paucos admodum fructus colligimus.  
Dicam: profundae si radices remanent,  
Vel ad radices nos secemus arboris.  
Radix est ille qui vocatur Melchias,  
Radix est omnium senator Scipio,  
Solet consiliis suis et perfidis  
Novarum subter qui virtutum tegmine,  
Suos trahit cives ad malum turpiter.  
Hi sunt in primis plectendi maxime,  
Rapi sin vultis ad ruinam breviter.

IMPERATOR.

Placet tuum sequi, Publi, consilium.  
Mittantur milites...

PUBLIUS.

Nec palam: clanculum.

IMPERATOR.

Eos inquiram subito! Nam in primis placet  
Hos indicare cives, postea ad praelium.  
« Bonus nam venit Constantinus aemulus » (1)  
Suum qui forsitan renovabit Deum!  
Sciat sed ipse, ceteri cives sciant,  
Suis favent partibus arte turpissima,  
Adhuc regnare Romae nunc Maxentium,  
Solet qui lites gladio dirimere,  
Suosque varios hostes deperdere...  
Et illos primum dicunt quos discipulos  
Iesu quem falso ponunt inter numina  
Quod ipse in caelis iners gaudet otium,  
Sui laborant dum magnis angoribus?  
Ego hos plectam, caedam, perdam citissime,

(1) Ironias.

Ut ipsi candidas feramus hostias.  
Sic ille primus adpellatus Melchias  
Qui Christianorum princeps est et caput.

CHRISTIANI CIVES (*submissa voce*).

1. Audistin?

2. Audivi!

3. Christianis horrida

Ruit procella, tollit quae multissimos  
In agro florent teneri qui calami.

1. Iuvat sed in primis monere socios  
Agant prudenter!

2. Abdant se, sint in tenebris  
In istis magnis fidei periculis.

SCENA VII.

MELCHIAS cum aliquot civibus, et dicti.

CHRISTIANI CIVES.

1. Adest!

2. Quis?

3. Ipse!

4. Quisnam?

1. Ipse nam Pontifex!

2. Cur ita, Pater, curris in periculum?

MELCHIAS.

Novi meas oves vexari pessime  
Vocari ad bestias, lancinari gladiis,  
Trudi in custodiam, tradi ad supplicium:  
Stabit quis abditus remotus praeliis?  
Mali quid egimus, quidve peccavimus?  
Licebit vobis profanare thalamos,  
Supremum divum sic venerando Iovem!  
Furtis adorare turpem Mercurium;  
Superbos esse, fraternas lites serere,  
Occulte fratrum sanguinem profundere,  
Vos esse sacrum divinumque creditis,  
Et hos vos dicitis laude dignissimos,  
Deos vos esse, tura mereri creditis...  
En, imperator, omnes, et satellites  
Meum si vultis avidius sanguinem,  
Sinite istos abire directe liberos.

IMPERATOR.

Quis est hic audax? qui vocaris?

MELCHIAS.

Melchias!

(Ad proximum numerum).

I. B. FRANCISIA.